



## Gabinete de Comunicación

Colexio de Fonseca  
Praza do Obradoiro, s/n  
15782 Santiago de Compostela  
Tel. 981 54 71 58

### **A USC comezou a instrución dun expediente para esixir as responsabilidades administrativas e académicas que correspondan, en relación aos actos violentos de Económicas**

O reitor da USC, Senén Barro, recabada información de diversas fontes, vén de nomear ao responsable da instrución dun expediente para esixir, conforme á normativa universitaria, as responsabilidades administrativas e académicas que correspondan en relación cos actos violentos, do pasado 12 de febreiro, no transcurso dunha conferencia de María San Gil.

Asemade, a USC continuará cos trámites para, por unha parte, facilitar toda a documentación necesaria á Fiscalía e ás autoridades xudiciais e, por outra, de ser o caso, persoarse no procedemento xudicial correspondente.

O reitor da USC condena “sen paliativos” as accións violentas dese grupo de mozos e mozas, como xa fixera o mesmo día no que ademais iniciara as medidas e accións necesarias para recabar toda a información que posibilite dar unha resposta adecuada ao grave incidente producido.

Gabinete de Comunicación da USC

Santiago, 15 de febreiro de 2008

**Nota ás redaccións.**- o nome do responsable da elaboración do expediente non se fai público coa finalidade de garantir a súa independencia e as óptimas condicións para o desenvolvemento do seu traballo